

101-боб. Ўзи еган нарсадан қулига ҳам едириш ҳақида



11:00 / 21.11.2020 1934

يَصُؤِي مَلَسًا وَهَلَعُ هَلَلًا لَّصَّيْبًا نَأَاكَ؛ لَأَقْرَهُ لَلِذَّبَعِ نُبَّ رِبَاجًا نَعُ
نَمُّهُ وَسِبَّالًا وَأَنْوُلُ كَأْتِ أُمَّمُ هُمْ وَمُغَطًّا؛ لَوْ قَوِيَّوْا، أَرِيحَ نَيِّكَ وَوَلْمَمْلَابِ
«لَجَّوْ رَعَهُ لَلِقَلِّخِ أُوْبِدَّغُتِ الْوَأْمُ كَسُوبَلِ».

Жобир ибн Абдуллоҳдан ривоят қилинади:

«Набий соллаллоҳу алайҳи васаллам мамлуклар ҳақида уларга яхшилик қилишни тавсия қилиб: «Ўзингиз еган нарсадан уларга ҳам едиринг, ўзингиз кийган нарсадан уларга ҳам кийдиринг, Аллоҳ азза ва жалла яратган одамзодни азобламанг», дер эдилар».

Шарҳ: Ушбу ҳадиси шарифда қўл остидаги кишиларга қилинадиган уч муомала ҳақида сўз бормоқда:

1. Ўзингиз еган нарсадан уларга ҳам едиринг.

Мусулмон уммати қул ва чўрилар, ходим ва ходималарига ўзи еган нарсадан едириш билан бошқалардан ажралиб турган. Бу иш бошқа миллатларда кўрилмаган.

2. Ўзингиз кийган нарсадан уларга ҳам кийдиринг.

Мусулмон уммати қул ва чўрилар, ходим ва ходималарига ўзи кийган нарсадан кийдириш билан бошқалардан ажралиб турган. Бу иш бошқа миллатларда кўрилмаган.

3. Аллоҳ азза ва жалла яратган одамзодни азобламанг.

Мусулмон уммати қул ва чўрилар, ходим ва ходималарни азобламаслик билан ҳам бошқалардан ажралиб турган. Бу иш бошқа миллатларда кўрилмаган.

Одоблар хазинаси китобидан